

未3

4741

眼
昏
上



異人傳授

眼科秘旨

紅杏山房板



北京中医药大学图书馆版权所有

眼科秘旨

○明目論

人之兩目猶天之日月視萬物察毫末何處不至日月
有一時之晦昧風雲雷雨之所致也眼有一時之失明
者六慾七情之所害也蓋目乃五臟之精華為一身之
主宰故五臟分為五輪八卦分為八廓五輪者配五行
金木火土也肝屬木名風輪在眼為烏睛肺屬金名氣
輪在眼為白睛脾屬土名肉輪在眼為土下胞心屬火

紅杏山房梓



北京中醫藥大學圖書館版權所有

名血輪在眼爲兩眦腎屬水名水輪在眼爲瞳神至於
八廓無位有名膽之腑爲天廓曰乾膀胱之腑爲地廓
曰坤命門之腑爲水廓曰坎小腸之腑爲火廓曰離大
腸之腑爲山廓曰艮三焦之腑爲澤廓曰兌脾之腑
爲雷廓曰震肺之腑爲風廓曰巽此爲眼目之根本而
藉之胞絡故五臟蘊積風熱或七情之氣鬱結不散上
攻於目各於五臟而見之或腫痒羞明而多淚障膜昏
暗而不明其病有七十二症須究其源若是風邪則驅
散之熱卽清涼之氣結則調順之切不可輕用針刀鈎

序

眼科秘旨一書予家姑丈涿鹿李先生所授也此書傳自異人世無別本子見而愛之乞以携歸秘之篋中者二十餘年矣癸巳歲宦遊西粵文華黃公時中承蓮旬宣是邦晨夕過從偶於案頭得覩是書因謂予曰此盲者之寶筏也何以珍之篋中不廣爲傳布耶隨卽舉而授之梓並按方修合遇病目者療之無不隨手立愈予然後知是書之誠爲秘本矣甲辰之夏旣刻集驗良方復以此書附之于後俾天下之人得是書者咸熙熙皞皞

皞遊於光天化日之下而無呻吟愁痛之聲與夫偃偃
無所之之歎是則予之志也夫甲辰七月望日偶齋識




北京中医药大学图书馆藏书

割偶得其愈出乎僥倖一或有誤遂成終身之患且又不可過用涼藥恐冰其血輪凝而不流反成痼疾更當量人之老幼體其氣血之虛實方可用藥無不應驗假令人眼目無光或生冷過多須當用補藥以暖下元益其腎水北方之人患眼最多皆因日冒風沙夜臥火炕二氣交蒸使之然也治之當用涼藥所以北方稟氣與南方不同故也凡小兒痘疹之後毒氣鬱結於心肝二經發於眼目傷害瞳神素無治法如浮於肺經而障膜遮睛可治也竊聞孫真人傳得仙方濟人一眼九世其

昌今此書真有點石化金之奇撥雲見日之妙凡患目
者宜看五輪有餘則瀉不足則補且如肝者木也木能
生火火乃木之子也木爲火之母肝經虛也虛則補其
母實則瀉其子此良法也治眼不過審其金木水火土
虛實子母相生相尅宜補宜瀉如此而已七十二症問
答簡而且明宜珍視之真有神聖之功手到病除之奇



看眼 訣圖



大小眥為血輪屬心火
 黑睛為風輪屬肝木
 瞳人為水輪屬腎水
 白睛為氣輪屬肺金
 上下瞼為肉輪屬脾土

大小眥屬心病則赤大眥赤則心實小眥赤則心虛或
 昏熱赤爛腫疼多生浮翳血貫瞳人若大眥先赤而傳

小眥左眼先病而傳右眼其病在心

黑睛屬肝病則昏花黑暗頭疼流淚其病在肝

上下瞼屬脾胃病則胞腫起胬肉外廓生小塊名偷針

又或拳毛倒睫其病在脾

白睛屬肺病則白睛腫起多生瘀肉有淚或白膜侵睛

名曰氣障其病在肺

瞳人屬腎病則目昏暗瞳人青綠頭疼冷淚多視物若

堆烟或青盲內障其病在腎若瞳人大而有窟者不治



北京中医药大学图书馆版权所有

○眼病歌訣

氣上昏瞶不足虛則珠泪生
花熱則赤腫疼痛風則癢
癢更加肉障多因色慾食毒
眵膜來遮上下拳宅倒睫
脾胃風熱堪嗟拔睛翳肉突
出心肝為酒傷也



原江蘇州府志卷之四十五



○冷眼歌訣

心冷目昏氣悶肝冷時時泪零脾冷隱澁難開肺冷時
昏光潤膀胱冷生昏暗胃冷視物不明昏沉太陽之冷
腎冷大小瞳人



○熱眼歌訣

心熱血貫瞳人肝熱齩肉拔睛脾熱時時刺痛胃熱膜
翳時生腎熱睛瞳疼痛膀胱倒睫如針大腸熱生赤膜
肺熱胞腫侵淫



○藥性光明賦

玄參苦參能散血大黃通利涼肝熱退熱柴胡及前胡
歸尾白芷能破血藿香順氣并木通防風荆芥能除風
去障除翳牛旁子明目密花有大功蒼朮陳皮和脾胃
頭疼藁本及川芎明目菊花穀精草清神住泪真爲寶
退翳蟬蛻石決明涼肝紫蘇龍膽草止泪木賊桑白皮
治肺五味及黃芪退熱黃連并黃栢破血射干箱子隨
搜風獨活連細辛蔓荆厚樸可相親乾眩止淚五倍子
香附紫蘇亦堪爾目暈除風旋覆花補虛鬼絲牛膝加

